

Cultura de verduras

Autor(en): **Simonet, Leonard**

Objekttyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **24 (1934)**

PDF erstellt am: **25.06.2024**

Persistenter Link: <https://doi.org/10.5169/seals-882301>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, www.library.ethz.ch

<http://www.e-periodica.ch>

Cultura de verduras

da Leonard Simonet

Sche nus traversavan avon 2 ni 3 decennis nos vitgs muntagnards, sche savevan nus leva mein constatar, che la cultura d'orts era aunc fetg negligida. Sper empaui ragischs melnas (rebas) e ravas, tschugagliuns e peterschin, vegneva ei cultivau pauc auter che ragischs ed urteis per ils salvonoris. Ussa savein nus legreivlamein constatar en quei risguard in considerabel progress. E tonaton stat la cultura d'orts en nossas contradas alpestras aunc buca sin il dueivel scalem en comparaziun cun la bassa.

Sche la cultura d'orts ha el decuors dils onns fatg progress el Grischun, ei quei per gronda part il meret dil bien exempl d'enqual premurada e progressiva casarina, mo il pli grond meret ha segiramein sgr. hortulan Duri Kiebler, il qual ei staus varga 3 decennis hortulan ella scola agricolana dil Plantahof e morts il november 1929. Entras ses duns, sia nunstunclenteivla premura, extendidas experienzas ed enconuschienschas de nossas relaziuns, eis ei reussiu ad el de promover grondamein en la scola agricolana, sco ora en nos vitgs la cultura ded orts. Quei um meritass de restar en cuzzeivla memoria.

Dapresent vegn ei scret, plidau e selamentau snueivlas caussas sur la crisa ni la miseria dil temps. Igl ei ver, nus vivin en in temps critic ed igl ei veramein necessari de sedrizzar suenter las relaziuns, per buca curdar totalmein en la pupira. In remedi per sedustar dalla miseria ei gia biaras gadas vegnius recumandaus, mo aunc buca applicaus sufficientamein. Quei remedi ei igl agen agid entras atgna producziun de vivendas. E cheu sa la cultura de verduras esser per nus de fetg grond avantatg. Ils onns dell'uiara mundiala ein aunc buca schi lunsch anavos, che nus seregurdassen buca pli ded els. Ils sforzs de nossas autoritads cantonalas e federalas, de prover il pievel dils marcaus ed ora sin la tiara cun terren, sinaquei ch' el sappi sez producir vivendas ton sco pusseivel, ein aunc buca emblidai. Las relaziuns ein denton semidadas e las emprovas de producir sez ein per part svanidas. Sch' ei vegn constatau, ch' ei vegni importau en Svizzera en in onn per 25—28 milliuns verduras u legums (1932), sche astg' ins franc era tschenttar la suandonta damonda: Eis ei buca pusseivel de sez saver cultivar e producir las verduras che vegnan consumadas en nossa tiara? Vulein nus esser sincers, sche stovein nus cun risguard dell' industria ded jasters, schar valer che nus seigien sfurzai principalmein duront gl' unviern, de retrer verduras da tiaras jastras. Senza negin dubi savess denton ina gronda part de quella summa

restar en nossa tiara, sche nus producessen sil-meins per part las verduras che veggan importadas dallas tiaras vischinontas. Cun empau premura e perseveronza füss ei segir pusseivel a nus Grischuns de saver producir las tiastas de far crut asch ed aunc bia outras verduras che veggan dagl exterier. Tgi savess dar sclariment contas hontas e sadialas, ruogs e glasa cun mèl de fretgs veggan transportai cun la viafier e cun autos en nos vitgs grischuns, en las pli allontanadas contradas? E creschan, verdegheschan e madireschan buc era en mintga iert de nossas aultsuadas contradas oreifers farbuns, puaunas, schuaunas etc? Senza dubi ein nos agens products buca meins savurus e gustus che quels che veggan retratgs da pli da lunsch. Ordinariamein vegg quella rauba il bia offerida proporzionalmein ualti biemarcau, mo tuttina cuosta quei daners, che nus stuein fadigar aschamein.

Füss ei pia buca fetg indicau de cultivar pli intensivamein nos orts e forsa engrondir els? Che products d' iert prospereschan oreifer era en nossas contradas aultas ei constatau sufficientamein, secapescha astga la premura ed in ton capient-scha buca muncar. Ei sentelli, che buca tut quei che madirescha en la bassa sa veginr cultivau cun success en nossas contradas alpinas, mo tonaton havein nus ina gronda elecziun de verduras e fretgs d' iert, che laian plascher oreifer nies clima muntagnard.

En nossas contradas vegn la cultura d' orts ordinariamein surschada cumpleinamein allas casarinas. Quellas demuossan il bia grond ardiment e legreivla premura per quella cultura, mo ein deplorablamein memia savens surcargadas cun autra lavur, aschia ch' ils orts ston pér memia vegnir negligi malamein. Bein dat ei tscheu e leu legreivlas excepziuns, nua che umens demuossan interess vid ils orts e senuspeschian buc de suprender enqual lavur, specialmein lavurs che pretendan in bien dies e ferma bratscha. Igl ei de supponer che la cultura d' orts fagess tut auter progress, sche ils umens s' intressassen en general pli bia per quei rom d'agricultura.

Cun buna raschun vegn ei pretendiu, che la cultura d' orts seigi pli productiva che in' autra cultura. Seigi il terren maghers ni grass, la situaziun sulegliva ni umbrivauna, ei dat adina ina u l' autra specia de verduras che pretendia u secuntenta cun quellas relaziuns. Il cultivatur stodenton enconuscher las pretensiuns dellas differentas specias, per haver la pusseivladad de far vegnir fritgeivels ni far render mintga encarden e mintga terren.

Savens eis ei pusseivel de raccoltar pli bia products ord igl iert, che quei ch' ins ha basegns per igl agen tenercasa. En contradas cun empau commerci e specialmein el contuorn de loghens de cura ni industria ded jasters dat ei ordinaria- mein buna caschun de vender tals products. El

temps ded oz ei mintga gudogn segiramein beinvegnius. Nos hotels retilan senza dubi pli bugen las verduras dal contuorn che pli da lunsch, per motiv che la rauba ei pli frestga e savurusa, alla condiziun che il furniment vegni ademplius tenor ils giavischs momentans dil cumprader. Il pli tschercau ein products d' iert naturalmein duront il temps ch' ils jasters setegnan si en nossas contradas e perquei eis ei indicau de sesprovar de saver raccoltar ils products per part duront quei temps. Certas specias pretendan pli liung termin per crescher, aschia che hotels veggan strusch a saver comprar ellas.

Sche nus havein tractau la cultura d' orts tochen ussa da vart economica, sche vulein nus era emprender d' enconuscher ella dad in' autra vart. In dils pli custeivels beins ch' il carstgaun posseda ei la sanadad. E sin la sanadad dil carstgaun ha il gudiment de verduras ina fetg favoreivla influenza. Igl ei strusch necessari d' indicar tgei substanzias ils differents legums cuntegنان. Ina de quellas substanzias che nus stuein denton menzionar ei la vitamina. El decuors dils davos onns eis ei vegniu plidau e scret fetg bia sur la vitamina, che ei de gronda muntada per il nutriment dil carstgaun. Specialmein per affons e glieud giuvna eis ella fetg necessaria. Avon buca biars onns eis ei reussiu ad umens della scienzia de producir vitamina schubra e metter quella en vendita. Il gudiment de verduras remplazza denton

cumpleinamein quels products chemicals. Specialmein crius cuntegnan legums rehamein vitamina. Perquei vegn ei recumandau de guder bia legums sco salata. Buca muort la forza nutritiva vegn il gudiment de verduras recumandaus schi fetg. Bein dat ei certas specias, che stattan era en quei risguard tuttavia buc anavos ad autra ordinaria vivonda, specialmein fava ed arveglia. Nos miedis recamondan cauldamein de guder pli bia fretgs e products d' iert era perquei ch' els augmentan l' activitat digl organismus. En nossas relaziuns, nua ch' il pievel sevagenta bia cun carn criua ed outras semegliontas vivondas, prestan las verduras dasperas fetg buns survetschs e spargnan custeivlas medischinas. Sche nies pievel posseda generalmein buna sanedad, astgan ins supponer che quei seigi d' engraziar pli fetg alla bun' aria che alla vivonda. E sche nus obtenin entras ina pli intensiva cultivaziun d' orts ina pli reha variaziun de vivondas, sche ei quei segir a tuts beinvegni e naturalmein buc il davos alla cuschiniera sezza.

Igl iert sa era render a nus gronda recreaziun. Condiziun ei mo ch' el vegni rugalaus e cultivaus en uorden. Con interessant eis ei ded observar, co las differentas specias de verduras, sez semnadas ni plantadas prospereschan. Per caschunar recreaziun, sto in iert denton vegrir luvraus cun tschaffen e premura. Igl ei buca grev de constatar, che quellas casarinas che rugaleschan cun

ardiment igl iert, han era il pli grond success. De beneventar eis ei plinavon che la cultivaziun de flurs en ils orts, nua che las relaziuns lube-schan, fetschi adina pli e pli grond progress. Quei ei senza fallir ina recreaziun che cuosta pauc ed ei tonaton de gronda valeta. Ei dat gie ina schi reha variaziun en flurs, flurs che vivan mo in onn e de quellas che vivan plirs onns. Bia plontas de flurs secuntentan cun pauc spazi e pauca breigia.

La condizion che in iert duei esser en bien uorden e bein cultivau ei prest fatga, mo buca schi pront realisada. Ins sa savens constatar che nos orts seigien tuttavia buc adina situai e construi aschia, per esser a nus de fetg grond avattatg. Els ein ualti savens plassai memia fetg ella umbriva de baghetgs, aschia ch' ei dat mo per urialas sulegl, ni ch'els ein exponi a suffels freids e maltschecs. Ei secapescha che in tal iert ei buca schi fritgeivels ed emperneivels sco in che stat en buna posiziun, ed igl ei tgunsch capeivel che certas specias prospereschan leu buca schi cunteivlamein. Nus stuein denton il bia prender igl iert sco e nua ch' el ei e sespruar de cultivar quellas specias en orts meins favori. Nua che situaziun e clima ein favoreivels, sa ei vegnir cultivau orts era en fetg aultsuadas contradas. Tenor P. Carli Hager exista in iert perfin a S. Maria sil Lucmagn, en ina altezia de 1842 m. s. m.

Il proverbi che di, ch' ei detti buca rosas

senza spinas ei fetg enconuschents. Perfin in iert fa a nus buc adina mo legherment, na el caschuna bein enqual ga malemperneivladads, savens per atgna cuolpa ni negligentscha. Quei sa daventar en pliras modas. Per evitar malemperneivladads sto in iert sur tut esser claus en sco ei s'auda, aschia che gaglinas, cauras ed auters animals che han piars nuot lien stoppien star ora. Quei ei ina nunevitabla condizion. Ils disgusts che mo ina gaglina sa caschunar duront il temps de semenzas ein enconuschents. Insects e malsognas periclitescan savens las culturas e cheugida deplorablamein la megliera classena nuot. Denton cun empau breigia e perseveronza san perfin quels inimitgs vegrir combatti, naturalmein cun auters remedis. Quei combat ei savens compiegliaus cun cuosts e buca pintgas breigias ed ei drova sur tut aunc grondas enconuschentschas. Quellas san vegrir repartidas il pli levamein en cuors specials sur culturas d'orts. Era il zerolem sa fetg savens vilentar bravamein. El ei nuschei-vels perquei ch'el retila la vivonda dal tratsch che fuss destinada per la cultura ed ultra de quei eis ei prighel ch'el stinschenti las plontas, numnadamein sch'el sa crescher e sederasar nundi-sturbadamein. Il meglier remedi per combatter il zerolem ei il cavar ni rugadar stediamein il tratsch. Quei daventa il pli favoreivlamein duront temps de bial' aura. Cheutras vegr el u cavaus ora ni disturbaus, aschia ch'el pirescha il bia vi. Surtut

duei il zerclem mai astgar spigar ora. Negoziants offereschan in remiedi encunter il zerclem. Per evitare malemperneivladads eis ei indicau de far attent che quei remiedi seigi in tissi per tuttas jarvas e sa perquei vegrir applicaus mo en vias. Cheu sa quei remiedi prestar a nus fetg buns survetschs. Entras far diever de quei remiedi «Uchrut-Ex» eis ei levamein pusseivel de tener sut il disfiguront zerclem en vias da santeris. Mai astga quei remiedi vegrir applicaus en tratsch de cultura.

La cuolpa che nos orts vegrnan savens buca cultivai e tratgs a nez abundontamein ei per gronda part la munconza de saver cuschinari gustusamein. Sche la cuschiniera ei buca habla de preparar bein ils products d' iert, eis ei tgunsch capeivel che quels products gustan buca cunten-teivlamein. Savens vegrnan els cotgs memia fetg en l' aua, aschia che preiusas substanzias van a piarder, ni che ins lai muncar vid las dueivlas specerias che s' audan vitier e forsa vegr ei applicau memia pauc ni schliet pieun. Beinduras vegrnan ils legums buca raccolta el ver stadium. Entras schar vegrir els memia vegls sespiarda la qualitat de bia specias. El decuors dils davos onns eis ei vegniu teniu en diversas vischnauncas cuors de cuschinari, cun speciala instrucziun sur il preparar products d' iert. Quei ei fetg de beneventar e fuss giavischeivel, che mintga vitg ni vischinadi che s' occupescha cun la cultura

d'orts obteness tals cuors. Quei fuss in engrazievel pensum per organisaziuns de dunnauns e mattauns. Per cura che las casarinas ein hablas de saver cuschinlar ni preparar dueivlamein ils legums, sa la cultura d'orts far il giavischau progress ed esser veramein nizeivla per il bein-star dil pievel.

Tuttas specias de verduras, che formeschan gronda e biara feglia pretendan in cultem che cuntegn nitrogen. Quel ei cuntenius specialmein en la grascha e puschina (ghella). Perquei ei la grascha, sco era la puschina il pli ordinari e cunvegnent cultem per orts. Il rugadar ni sluccar la tiara denter las plontaziuns ei ina lavur che duess vegnir praticada savens. Specialmein suenter pli grondas plievgias duei il tratsch vegnir sluccaus, sinaquei che aria e glisch possien penetrar e cheutras promover l'activitat dellas ragischs. Aua ei absolutamein necessaria per la prosperaziun de culturas ded orts. Igl ei denton buca tuttina co ei vegn fatg diever ded ella. Ella astga buc esser memia ruha e freida e perquei cunvegn ei de duvrar aua de stellischeins u aua stada en butschins e perquei in tec sescaldada.

De fetg grond' impurtonza ei l'elecziun de specias. Sche ins ha en in liug ni l'auter forsa buc adina fatg las meglieras experienzas cun la cultura d'orts, ei quei daventau perquei che ins ha buca cultivau specias qualificadas per nossas contradas ni relaziuns. Repassein nus ils catalogs

de semenzas, sche anflein nus in fetg grond diember de specias de verduras. Nus cattein leu numbs che tunan fetg bein e meinan fetg tgunsch tier la tentaziun de cumprar e cultivar specias tuttavia nunenconusclientas ed aunc buca secomprobadas. Ei dat onn per onn novas specias, che ston denton aunc vegrir empruadas ora avon ch' ellas astgien vegrir recumandadas. Ei sa denton vargar plirs onns avon che quellas specias seigien cumpleinamein secomprobadas. Nus possedein denton ina abundonta collecziun che ha gia cuntentau dapi decennis, era en contradas alpinas. Nus selubin ded allegar enzacontas, che meretan de vegrir preferidas e de dar in cuort entruidament ella cultura d' orts.

Carflur. Ina specia fetg tumpriva, che gartegia cun gronda segirezia era en contradas aultas ei «Erfurter Zwerp». Encunter schitgira eis ella denton sensibla. In' autra specia miez tumpriva, che astga medemamein vegrir recumandada ei «Dänischer Export». Denter las specias tardivas mereta «Frankfurter Riesen» de vegrir preferius, el vegr denton buc en damonda en contradas aultas. Schi spert sco la flur secon: truescha, sche duei ella vegrir cuvretga en cun la feglia, siniquei ch' ella resti alva e delicata e lu raccoltar avon ch' ella entscheivi a sespigar ora.

Tistas alvas. Ina dellas meglieras specias, specialmein per contradas aultas ei «Ruhm von Enkhuizen». Quei ei ina specia miez tumpriva e

formescha sut favoreivlas condiziuns gronds e bials tgaus. Quella specia para de schar plascher tut aparti bein il clima alpin. Sco specias tardivas vegnan en emprema lingia «Braunschweiger» e «Amager» en damonda.

Tiastas blauas. Ina specia miez tumpriva che para ded esser adattada per contradas aultas ei «Dänischer Steinkopf». «Zittauer Riesen» formescha pli gronds tgaus, ei denton ualti tardiva.

Tiastas tschuoras. Fetg cuntenteivlas raccoltas segirescha specialmein en contradas aultas la specia tumpriva «Eisenkopf». Pli gronds e grevs tgaus formescha «Vertus» ei denton per contradas aultas memia tardivs.

Colravas. Era cheu dat ei numerosas specias. Las biaras ein tumprivas. Denter quellas sesanflan «Blaue Delikatess», «Wiener Glas», e. a. El decuors dils davos onns ein in per specias pli novas vegnidas en cultura e cuntentan generalmein. Ina de quellas ei «Prager» ni «Dvorskys» e «Küs-nachter». Tuttas specias tumprivas ston vegnir raccoltadas ad uras, sinaquei che ellas seigien aunc zartas. Per evitar il spigar ora memia spert, che vegn savens avon tier specias tumprivas sto ins pertgirar las plontinas da scheltiras. Ina specia tardiva, che vegn buca zaia e formescha grondas bottas ei «Goliath».

Fava ed arvelia. En bia loghens rimna ins sez il sem e posseda perquei era specias localas, che cuntentan generalmein schi bein sco specias

ord catalogs. Fava astga buca vegnir semnada memia baul, muort las scheltiras che crodan saven la primavera. Specialmein en contradas aultas ei quei prighel gronds, ed ei cunvegn leu de cultivar mo fava bassa. La elecziun de specias ha tier fava ed arveglia buca schi gronda impurtonza. Per lunsch buca schi sensibla arisguard scheltiras e purginas ei l' arveglia. Era cheu dat ei ina gronda elecziun de specias, che ein qualificadas. Fava ed arveglia pon retrer il nitrogen ord l' aria, aschia che in cultem de grascha ni puschina ei buca necessaris.

Salata. Ina vivonda che vegn generalmein beneventada ei la salata. Era cheu dat ei ina gronda elecziun. Nus distinguin denter salata de cuppa, salata de tagliar, carschun, cicoria etc. Il pli derasada ei segiramein la salata de cuppa e mereta nossa speciala attenziun. Ina specia tum-priva e secomprovada duront biars onns ei «Mai-könig». Ei cunvegn de plantar ella baul perquei ch' ella supporta buca bein la calira. Duront la stad cultivesch' ins cun meglier success specias pli tardivas, che ein pli resistentas encunter il cauld e prospereschan oreifer en contradas aultas. Ina dellas meglieras ei «Cazard». Tgi che preferescha salata brina cultivescha «Brauner Trotzkopf». Salata pretenda in ferm cultem e duront periodas cauldas e schetgas abundonta-mein aua.

Quei ei mo ina cuorta orientaziun sur ina

cunvegnenta elecziun de specias che vegnan specialmein cultivadas en nossas contradas. Ei dat denton aunc numerusas specias che ein buca nunadas cheu e che prospereschan per part aunc cuntenteivlamein en contradas pli aultas. Mintga prudent possessur ded in iert vegn ad esser perschuadius che el sto sez rimnar enconuschientchas entras atgna experienza. Las relaziuns en nossa tiara ein fetg variontas e perquei san ils recepts buc esser dapertut ils medems. Igl intent de questa lavur ei ina stimulaziun per pli gronda premura e perseveronza de cultivar ils orts.

Nus schein suandar entginas expressiuns, che serefereschan alla horticultura:

Anis m, anis m.

Blumenkohl m, carflur m.

Bodenkohlrabe f, colrava sut tiara f.

Bohne f, fava; grüne Bohne, bliuscha, bigiauna f.

Buschbohne f, fava bassa f.

Erbse f, arveglia f.

Erdbeere f, farbun m.

Fenchel m, finotg m.

Frühbeet n, era tumpriva f.

Gartenbeet n, era f.

Gartenhaue f, zarclet m.

Gartenrettich m, (Radieschen) ravani (pl. ravanials)

Gartensalbei m, salvgia (d' iert) f.

Giesskanne f, honta de bugnar.

Gurke f, cucumera f.

